

Ֆի լալանկայի, և ընդ մաճնոյ խառնեն և առնեն իբրեւ զլոխմայ, և ի դնեն զայն ի բերան տեառն՝ բուժ մատամբն փորը ինչ մղէ ի ներքս ի բերանն:

Եւ ի սմին խրախճանի էր նաեւ Թովմաճան ընդ որդւոյն, զորս մերձ ինքեան նստոյց Թագուհին, և սոքա ըստ սովորութեան մերոյ իւրեանց ձեռքն ուտէին զկերակուրն և ցորենի հացով, և որոշեալ էր սեղան սոցին ի նոցանէ: Իսկ այլքն սպասաւորի ձեռք ուտելովն՝ փառք համարէին ինքեանց և ծիծաղէին ի վերայ Թովմաճանին: Եւ Թովմաճանն ընդ որդւոյն հանդարտօրէն ուտէր իւր ձեռամբն, և Թագուհին եւս համաձայնեալ ընդ Թովմաճանին՝ սկսան ծիծաղել ի վերայ նոցա: Եւ յորժամ սեղանն մերձ եղեւ յաւարտել, բերին զհում միս կովու նորոգ մորթեալ՝ իբր մեզէ մրգեղինաց, և սկսան սպասաւորք զխուշպաշի կտրատել և դնել ի բերան տեարցն իւրեանց, և հարցանէին Թովմաճանին թէ դու եւս կամիս ուտել զհում միս: Իսկ նա տհաճելով և խոժոռելով ոչ միայն ոչ եկեր ինքն, այլ եւս որոց մերձ էին նմա ոչ եթող ուտել ամօթելով: Եւ ժպտեալ իթեկէն, յոյժ հաճեցաւ ընդ այն, զի ինքն եւս ոչ ուտէր զհում միս: Եւ յորժամ իմացաւ Թովմաճանն զհում միս չուտելն Թագուհւոյն, յայնժամ սկսաւ համարձակ ծաղր առնել զնոսա բազմադիմի կերպիւ և պակասութեամբ, վասն զի և այսր պատճառի այսինքն հում միս ուտելոյ չորս անգամ ի տարւոջ ըմպէին զլուծողական զեղս, ապա թէ ոչ որդունք ի ռնգացն թափէին... Չայս քննեալ և ուսեալ ի Թովմաճանէն բազումք մեծամեծք հրաժարեցան, և այնուհետեւ ոչ ուտէին զհում միսն: Եւ երբեմն ի յոմանս տունս որք ուտէին՝ ընդ զնալ Թովմաճանին անդր, իսկոյն ամբարձեալ զհում միսն ընդ սեղանովն դնէին, զի մի ծաղր լիցուք Թովմաճանին՝ ասէին:

Եւ աստէն զիցուք զպատճառն հում միս ուտելոյ նոցա թէ ուստի իցէ յառաջացեալ պատմեսցուք, այլ եւս զկերպն սեղանոյ հացին:

Այս կեօնաւոր քաղաքն հապէշ Թագաւորի (նախ քան զ225 տարի, որ է 1540 թուին) ունէին զբազում մահմետական ստրուկս, և ի մէջ քաղաքի խառնեալ ընդ նոսա բնակէին, և այս մահմետականք ի մէջ իւրեանց խորհեալ են թէ՛ Եկայք յարուսցուք զխոռովութիւն ինչ և տիրապետեսցուք քաղաքիս և զընդդիմողսն կոտորեսցուք, և այսու խորհրդով յանկարծակի յաւուր միում յարուցեալ սկսան պատերազմիլ և ի փախուստ դարձուցանել զհապէշսն, և զբազումս խողխողեալ դիմաւալ կացուցանէին և փախստեայս լինէին ի ծերպս և ի քարանձաւս ի մեծ աճէ և յերկիրէ մահմետականացն ի գիշերի և ի տուրնջեան, զի ոչ կարէին լուցանել զհուր առ ի պէտս կերակրոյ. վասն զի ի տուրնջեան ի ծխոյն, և ի գիշերի ի լուսոյ հրոյն երկնչէին, զի ի տեսանելն տաճկաց զժուխս կամ զլոյսն հրոյ՝ յուղի անկեալ զնացեալ սպանանէին: Ուստի և այս փախստական հապէշք սկսան զմիսն հում հում ուտել, և ահա յայսմ պատճառէ մնացեալ է հում միս ուտելն հապէշին, որպէս ինքեանք խոստովանեցան:

Արդ իբրեւ հեռացան հապէշքն, ազդարարեալ միմեանց ժողովեցան ի միում տեղւոջ, խորհեցան բառնալ զմահմետականսն այսու կերպիւ, և ընտրեցին ի մէջ իւրեանց զ20 արս խոհեմս առաքել ի Հոռոմ առ Պապն և նորա միջնորդութեամբ առ Թագաւորն Բորթուկիզու, և ի նմանէ եղիցի մեզ օգնութիւն ստանալոյ զԹագաւորութիւնն մեր, զի նա ի կողմանէ Միւսէմպիկի սահմանակից մեր է այն: Եւ առ այս խորհուրդ հաճեցան ամենեքեան և ետուն նոցա զանձս բաւականս և առաքեցին զ20 արսն զայնոսիկ ի Հոռոմ առ Սրբազան Պապն Գրիգոր ԺԳ. (1549) և ետուն նմա զնամակս աղետից իւրեանց՝ որ էր այսու օրինակաւ. «Մեր ուղղափառ Հապէշի քրիստոնէայքս որ ի յԱֆրիկա, ուեաք զբազում մահմետական ստրուկք այսինքն ռայէք, սքսս ապստամբեալ սպանիւ զբազումս ի մեկէ և տիրեցին զբազաւորսն իստ քաղաքն մեր զԿոստեր. և խեղրեմք